

13/11

*i*rizpena

GIZARTE ZERBITZUETAKO ERREGISTROAREN
Dekretu Proiektuari buruz

Bilbon, 2011ko ekainaren 30a



CES
EGAB

Consejo Económico
y Social Vasco

Euskadiko Ekonomia eta Gizarte
Arazoetarako Batzordea

The background features a series of overlapping, thin, light blue circles that create a complex, organic pattern. A solid, medium-blue horizontal bar spans across the middle of the page, partially overlapping the circular pattern. The text is positioned on this bar.

*i*rizpena 13/11

I. SARRERA

Maiatzaren 31n, Enplegu eta Gizarte Gaietako Sailaren idatzia sartu zen Euskadiko Ekonomia eta Gizarte Arazoetarako Batzordean. Bertan, txostena eskatu zen Gizarte Zerbitzuetako Erregistroen Dekretu Proiektuari buruz, Euskadiko Ekonomia eta Gizarte Arazoetarako Batzordearen ekainaren 27ko 9/1997 Legeko 3.1.b artikuluan ezarritakoaren arabera.

Kontsultatu zaigun lege-ekimenaren xedea EAeko Gizarte Zerbitzuetako Erregistroak arautzea da, Gizarte Zerbitzuei buruzko abenduaren 5eko 12/2008 Legea garatuz (III. Tituluko IV. kapitulua: “*Gizarte Zerbitzuetako Erregistroak*”, 50-53 artikulua). Dekretu honek, aipatu erregistroei dagokienez, Autonomia Erkidegoko gizarte-zerbitzuen baimena, erregistroa, homologazioa eta ikuskaritza arautzen dituen martxoaren 10eko 40/1008 Dekretuan araututakoa ordezkutzen du.

13/11 

Berehala bidali zitzairen agiriaren kopia Batzordeko Osoko Bilkurako kide guztiei, beren proposamen eta iritzia igortzeko eta Lan Batzorde egoikiari horien berri emateko, Euskadiko Ekonomia eta Gizarte Arazoetarako Batzordearen Funtzionamenduari buruzko Araudian ezarritakoaren arabera. 2011ko ekainaren 22an Gizarte Garapenerako Batzordea bildu zen eta, hartutako erabakietan oinarrituta, honako Irizpen Proposamen hau egin zen, Batzordearen 2011ko ekainaren 30eko Osoko Bilkurara igortzeko eta bertan aho batez onetsi da.

II. EDUKIA

Gizarte Zerbitzuetako Erregistroen Dekretu Proiektuari buruzko testuak Arrazoen azalpena, 19 artikulua, xedapen gehigarri bat, iragankor bat, indargabetzaile bat eta azken xedapen bat ditu, bai eta Gizarte Zerbitzuetako Erregistroen idazpenetan sartu behar diren datu guztiak jasotzen dituen eranskin bat ere. Laburbilduz, honakoa da edukia.

Gizarte Zerbitzuei buruzko abenduaren 5eko 12/2008 Legea indarren jartzearen ondorioz, eta gizarte-zerbitzuetako erregistroen funtzionamenduan izandako esperientzia ikusita, moldaketa egokiak egin behar dira erregistro horien araubidean. Horren harira, Dekretu honen helburua

aipatu Lege horren arauketa garatzea da, gizarte-zerbitzuetako erregistroen egiturari, antolaketari eta erregistro-prozedurari dagokienez.

Ondore horietarako, honako kontzeptuak mugatu dira:

- a) Gizarte-zerbitzuen erakundetzat joko da gizarte-zerbitzuen zentro edota zerbitzu baten edo gehiagoren titularra den pertsona fisiko edo juridikoa, legez eratua, pribatua nahiz publikoa, irabazi asmoa izan zein ez, bai eta zentro edo zerbitzurik eduki ez arren orokorren informazioa emateko edota kideak elkarren artean babesteko helburu bakarra duten jarduerak egiten dituen ere.
- b) Gizarte-zerbitzuen zerbitzutzat joko da gizarte-zerbitzuen erakunde batek teknikoki eta funtzionalki antolatuta duen jarduera oro, orokorra nahiz espezializatua, aldi baterakoa nahiz behin betikoa, eta ez da beharrezkoa izango zerbitzu hori zentro batean eskaintzea.
- c) Gizarte-zerbitzuen zentrotzat joko da unitate organiko edo funtzional gisa eraturako higiezin oro edo higiezinaren zati oro, kokapen autonomoa eta identifikagarria duena eta gizarte-zerbitzuen prestazioak eskaini edo antolatzen dituen.

Dekretuaren arabera, Gizarte Zerbitzuetako Erregistro Orokorrean emango dute izena Jaurlaritzaren ekintza zuzenera lotuta dauden erakunde, zerbitzu eta zentro guztiek. Halaber, Erregistro honetan izena emango dute Eusko Jaurlaritzaren ekintza zuzenera lotutako zerbitzu edo zentroyen titularrak izan ez arren hala eskatzen duten gizarte-zerbitzuen erakundeek, gizarte-zerbitzuetako foru-erregistroetara sartzeko aukerari kalterik eragin gabe. Gizarte Zerbitzuetako Erregistro Orokorrean jasoko dira, gainera, foru-erregistroek egiten dituzten izen-emateen gaineko oharrak eta gehikuntzak, informazio osoa izateko, eta horiek Eusko Jaurlaritzan gizarte-zerbitzuen gaineko eskumena duen sailari bidali beharko zaizkio.

Bestalde, gizarte-zerbitzuetako foru-erregistroetan izena emango dute dagokion foru-aldundiaren titulartasuneko erakunde, zerbitzu eta zentro guztiek, bai eta bere eskumeneneko lurralde-eremuaren barruan jarduten duten titulartasun publiko edo pribatukoek. Horrez gain, gizarte-zerbitzuetako foru-erregistroetan izena emango dute lurralde historikoaren

eremuan gizarte-zerbitzuen zentroyen edo zerbitzuen titularrak izan ez arren hala eskatzen duten gizarte-zerbitzuen erakundeek.

Erregistroak ezagutza eta publiziterako tresnak dira, eta, horrenbestez, honako funtzioak dituzte:

- a) EAEren barruan gizarte-zerbitzuen eremuan jarduten duten erakunde, zerbitzu eta zentroyei buruzko eta, hala badagokio, euskal administrazio publikoekiko harremanari buruzko ezagutza zehatza ematea. Horretarako, Legean araututako itunen araubidean sartzen diren itunen gaineko oharak eta Prestazio eta Zerbitzuen Katalogoan jasotako zerbitzuen kudeaketarako hitzarmen eta kontratuen gaineko oharak idatziko dira.
- b) EAEren lurralde-eremuan jarduten duten gizarte-zerbitzuen publizitate-tresna izatea.

13/11 

Gizarte-zerbitzuetako erregistroak publikoak dira bidezko interesa duten ororentzat. Hori horrela, egindako idazpenetan edo dagokion protokolo agirietan jaso diren eta erregistro-orrietako edukiarekin zuzeneko eta berehalako harremana duten datuak eskuratu ahal izango dituzte. Hala ere, erregistroen publizitatean ez da dira sartzen egoera zibila, helbidea, nortasun-agiri nazionala edo atzeritarren txartela bezalako datuak edo agirietan agertzen diren bestelako datu pertsonalak. Horiek eskuratzeko eskubidea titularrek edo interes zuzen eta bidezkoa egiaztatzen duten hirugarrenek baino ez dute izango.

Idazpenetako edukiari buruzko ziurtagirien bidez egingo da gizarte-zerbitzuetako erregistroen publizitatea, informazio-ohar soilaren bidez edo erregistroan ageri diren agirien kopia egiaztatuaren bidez, eskatzaileak eskatzen duenaren arabera. Erregistro horretaz arduratzen den pertsonak hamar eguneko epean bidaliko du, eskaera egin denetik zenbatzen hasita.

Dagokion erregistroan honako gaineko oharak idatzi beharko dira:

- a) Titulartasun publikoko gizarte-zerbitzuen zentroyen edo zerbitzuen sorrera.
- b) Ekimen pribatuko erakundeei emandako administrazio-baimenak,

gizarte-zerbitzuak hornitu eta emateko orduan esku hartu ahal izateko.

- c) Gizarte-zerbitzuen zentroen edo zerbitzuen homologazioa.
- d) Zentro edo zerbitzu baten titulartasun-aldaketari, zerbitzu baten etenaldiari edo gizarte-zerbitzuen zentro baten itxialdiari buruzko komunikazioak.
- e) Gizarte Zerbitzuei buruzko abenduaren 5eko 12/2008 Legean jasotako arau-hausteen ondoriozko isun irmoak.

13/11*i*

Ezarritakoaren arabera, dekretu hau indarrean jartzean zerbitzu edo zentroaren arabera eskatu daitezkeen betekizun material, funtzional eta langile-arlokoak araututa ez dituzten zerbitzu eta zentro publiko nahiz pribatuek behin-behinean eman beharko dute izena. Behin-behineko izen-emate hori behin betiko bihurtuko da 3 hilabeteko epean, eskatu daitezkeen betekizun material, funtzional edo langile-arlokoak arautzen dituen araua indarrean jartzen denetik edo aipatu arauan, hala bada-gokio, ezartzen den epe iragankorraren amaieratik zenbatzen hasita, betiere aipatutako betekizunak bete badituzte, eta, zerbitzu eta zentro pribatuen kasuan, dagokien baimena lortu badute.

Zerbitzu, zentro eta erakundeek ofizioz edo interesdunak eskatuta emango dute izena erregistroan, gizarte-zerbitzuen gaineko eskumena duen Eusko Jaurilaritzako Sailak Gizarte Zerbitzuetako Erregistro Orokorrerako ezartzen duen eredu normalizatuaren arabera edo Foru Aldundietako organo eskudunek Gizarte Zerbitzuetako Foru Erregistroetarako ezartzen dituzten ereduaren arabera. Ofizioz emango zaie izena titulartasun publikoko zentro eta zerbitzu guztiei, eta aurretiaz funtzionamenduko administrazio-baimena lortu duten titulartasun pribatukoei, bai eta horien titularrak diren erakundeei ere.

Jarraian, indargabetzeko arrazoiei eta prozedurari buruzko alderdiak arautzen dira. Ezarri denez, gizarte-zerbitzuetako erregistroan izena emandako erakundeek urtero eguneratu beharko dituzte beren datuak eta beren titulartasuneko zerbitzu eta zentroi buruzkoak, eta bereziki aipatuko dituzte, hala badagokio, euskal administrazio publikoekin Zerbitzu eta Prestazioen Katalogoko zerbitzuak emateko ezarritako itun, kontratu eta hitzarmenak, erregistroa uneoro eguneratuta dagoela bermatze

aldera eta Gizarte Zerbitzuei buruzko Informazioaren Euskal Sistemam dauden datuak eguneratze aldera.

Amaieran azaldutakoari jarraiki, gizarte-zerbitzuetako erregistroak digitalizatzeko neurri egokiak hartuko dira, administrazio-prozeduretan bitarteko elektroniko, informatiko eta telematikoen erabilera arautzen duen araudian xedatutakoaren arabera, eta gizarte-zerbitzuetako erregistro desberdinen titularrak diren administrazioek beharrezko neurriak hartuko dituzte, dagozkien erregistroetako informazio-sistemetak elkarrengin-garritasuna bermatzeko. Maila berdina edo baxuagoa duten eta gai honetan Dekretu honen aurka doazen xedapenak indargabetuta geratzen dira, eta, bereziki, Euskal Autonomia Erkidegoko gizarte-zerbitzuen baimena, erregistroa, homologazioa eta ikuskaritza arautzen dituen martxoaren 10eko 40/1998 Dekretuan jasotakoak, EAEko gizarte-zerbitzuetako erregistroari dagokionez.

III. OHARRAK

OHAR OROKORRAK

Gizarte Zerbitzuei buruzko abenduaren 5eko 12/2008 Legearen xedea Euskal Autonomia Erkidegoan Gizarte Zerbitzuen prestazioetarako eta zerbitzuetarako eskubidea sustatu eta bermatzea da, horretarako Gizarte Zerbitzuen Euskal Sistema arautu eta antolatuko delarik. Azken hori honelakoa izan beharko da: *“erantzukizun publikoko arretarako sare arautua, titulartasun publiko eta titulartasun pribatu hitzartuko prestazio, zerbitzu eta ekipamenduek osatzen dutena. Xedea pertsona, familia eta talde guztien gizarteratzea eta autonomia sustatzea izango da, eta, horretarako, sustapen, prebentzio, babes eta laguntza funtzioak izango ditu, zerbitzu eta prestazio pertsonal eta erlaziozkoen bidez batez ere.”*

Sistema horren barruan, Gizarte Zerbitzuetako Erregistroak, proposatu zaigun Dekretu Proiektuaren arauketaren xede direnak, funtsezko elementua dira, zerbitzuen antolaketa eta dauden baliabideen ezagutza eguneratua bermatzen laguntzen dute eta.

Balorazio positiboa egiten dugu arau honen gainean. Izan ere, aldaketa handia da martxoaren 10eko 40/1998 Dekretuan araututakoaren al-

dean, egungo garaietara hobeto egokitzen den egitura berria ezartzen duelako eta modu egokiagoan arautzen dituelako erregistro-publizitatea bezalako alderdiak.

OHAR ESPEZIFIKOAK

2.1 artikulua. Gizarte Zerbitzuetako Erregistroen eremua

Atal hau honela idaztea komeni dela uste dugu:

“1. Gizarte Zerbitzuei buruzko abenduaren 5eko 12/2008 Legeko 50.1 artikuluan xedatutakoaren arabera, Euskal Autonomia Erkidegoaren lurraldean dauden edo jarduten duten gizarte-zerbitzuen erakunde pribatu eta publiko guztiak eta horien menpeko zerbitzu eta zentro guztiak, Gizarte Zerbitzuen Euskal Sistemari egon zein ez, erregistratu egin beharko dira”.

Erantsitako atal horrek (40/1998 Dekretuko 3.1 artikuluan jasotakoa) mugatu eta zehaztu egiten du Dekretu honen aplikazio-eremua, eta, nahiz eta Euskadin jarduten duten erakundeei buruz ari dela pentsa daitekeen, beren-beregi azaltzea komenigarria litzateke.

3.1 artikulua. Gizarte Zerbitzuetako Erregistro Orokorra

Informazioa Erregistro guztien artean hedatu dadin, eta ez Foru Erregistroetatik Orokorrean bakarrik, artikuluko honetako lehenengo zatia honela idazteko proposatzen dugu:

1.-Gizarte Zerbitzuei buruzko abenduaren 5eko 12/2008 Legeko 51.1.a) artikuluan zehaztutakoren arabera, Gizarte Zerbitzuen Erregistro Orokorrean emango dute izena Jaurlaritzaren ekintza zuzenera lotutako erakunde, zerbitzu eta zentro guztiak. Halaber, Erregistro honetan izena emango dute Eusko Jaurlaritzaren ekintza zuzenera lotutako zerbitzu edo zentroyen titularrak izan ez arren hala eskatzen duten gizarte-zerbitzuen erakundeek, gizarte-zerbitzuetako foru-erregistroetara sartzeko aukerari kalterik eragin gabe. Gizarte Zerbitzuetako Erregistro Orokorrean jasoko dira, gainera, foru-erregistroek egiten dituzten izen-emateen gaineko oharra eta gehikuntzak, informazio osoa izateko, eta horiek Eusko Jaurlaritzan gizarte-zerbitzuen gaineko eskumena duen

sailari bidali beharko zaizkio, eta, era berean, Erregistro Orokorak bere lurralde-mugaketako esparruan egin diren izen-emate guztien berri eman beharko die Foru Erregistroei, hileru.

6. artikulua. Publizitatea

Lehenik eta behin, gure aburuz, artikulua honen lehenengo atalean, hirugarrenen interes zuzen eta bidezkoa nola egiaztatu behar den zehaztu beharko litzateke, edo, bestela, modu hori arautzen duten xedapen espezifikoak zehaztu.

Horren harira, Administrazio Publikoen Araubide Juridikoari buruzko azaroaren 26ko 30/1992 Legeko 31. artikulua "interesduna" kontzeptua zehazten du¹. Era berean, Lege horretako 19. artikulua araberak, bidezko eskubide edo interesen bat duten pertsona fisiko edo juridikoak legitimatuta daude administrazioarekiko auzien ordena jurisdikzionalan.

Bestalde, artikulua horretan bertan adierazi beharko litzakete Gizarte Zerbitzuetako Erregistro Orokorak Merkataritza Erregistroaren antzera egin dezakeela publizitatea, bere Araudiko 79. artikuluan azaldutakoaren arabera². Hori dela eta, 6. artikuluan laugarren atala gehitzeko proposamena egin nahi dugu, honakoa, hain zuzen ere:

"4.- Idazpenen funtsezko edukiari buruzko datuak kontsultatzeko erraztasunak emango zaizkie interesdunei, Erregistroaren bulegoan horretarako instalatutako ordenagailu-terminalen bidez eta lotura telematikoen bitartez, interesdunaren sinadura elektronikoarekin identifikatu ondoren".

Aurreko paragrafoan nabarmendutako testuaren arrazoia zera da, interesdunei erraztasunak jarri behar zaizkiela Erregistroaren egoitzatik nahiz kanpotik datuak eskuratu ahal izateko, nahiz eta kasu honetan identifikazio seguru eta fidagarriaren bidez egin behar den, sinadura elektronikoaren bidez, hain zuzen ere.

1.- "31. artikulua. Interesdunak.

1. Administrazio-prozeduran interesdun dira:

A) Prozedurari hasiera eman diotenak, norbanakoen nahiz taldeen eskubide edo bidezko interesen titular modura.

B) Prozeduran har daitezkeen erabakiek uki ditzaketen eskubideak dituztenak, nahiz eta beraiek hasiera eman ez prozedurari.

C) Ebazpenak uki ditzakeen norbanakoen nahiz taldeen bidezko interesak dituztenak, behin betiko ebazpena eman baino lehen aurkezten badira prozeduran.

2.- Ekonomiaren eta gizartearen interesen ordezkari diren elkarte eta antolakundeak bidezko talde-interesen titularrak izango dira legeak aitortutako moduan.

Bestalde, interesgarria iruditzen zaigu “*Jaiotza eta ezkontzako ziurtagiri-
rien tramitazio elektronikorako eta bidalketa automatikorako baldintzak
eta betekizunak zehazten dituen Erregistro eta Notariotzaren Zuzendaritza
Nagusiaren 2011ko maiatzaren 27ko Ebazpena*” (2011ko maiatzaren
31ko BAO) kontuan hartzea, jaiotza eta ezkontzako ziurtagiri elektronikoen
gainean arautu berri duenari dagokionez³. Besteak beste, egiaztatze
eta baliozkotzeko betekizunei buruz aipatutakoa. Izan ere, erreferentzia
gisa erabil daiteke eta Erregistroan aplikatu, gure araudi espezifikoaren
arabera moldatuta.

7.1 artikulua. Erregistro-publizitatearen bitartekoak

13/11j

Ziurtagiriak informazio-ohar soil gisa egin ahal izateko eta beharrezkoak
ez diren atzerapenak saihesteko, artikulua honen 1. atalera honako testu
hau gehitzeko proposamena egin nahi dugu:

*“1.- Idazpenetako edukiari buruzko ziurtagiriaren bidez egingo da gizarte-
zerbitzuetako erregistroen publizitatea, informazio-ohar soilaren bidez
edo erregistroan ageri diren agirien kopia egiaztatuaren bidez, eska-
tzaileak eskatzen duenaren arabera, eta bere eskaeran ez badu mo-
dalitateetako bat ere aukeratzen, Erregistroak informazio-ohar soil
bidaliko dio eskatzaileari”.*

8. artikulua. Erregistro-egitura

Artikulu honetako 2 eta 3. artikuluetan “*Erregistroa aplikatzen den lu-
rralde-eremuan*” adierazpenaren beharrean “*Erregistroaren lurralde-ere-
muan*” jartzeko proposatzen dugu, idazketa hobetze aldera.

9.1 artikulua. Erregistro-antolaketa

3.- Ebazpen horren hirugarren atalak honakoa dio:

“1. Ziurtagiri elektronikoak eskatzeko Herritarrek Zerbitzu Publikoetan Sarbide Elektronikoa izateari buruzko ekainaren 22ko
11/2007 Legeko 13. artikuluan eta Sinadura Elektronikoari buruzko abenduaren 19ko 59/2003 Legean aurreikusitako iden-
tifikazio- eta autentifikazio-sistemetakoren bat bete beharko da. Prozedura hasten duen eskatzailea identifikatzeko honako
sistemetakoren bat erabili beharko da:

1. Nortasun Agiri Nazionalera atxikitako sinadura elektronikoaren sistemak.

2. Administrazio Publikoek onartutako sinadura elektroniko aurreratuko sistemak, egiaztatutako ziurtagiri elektronikoetan oi-
narritutakoak barme.

2. Jaiotza eta ezkontzako ziurtagiri elektronikoen, Erregistro eta Notariotzaren Zuzendaritza Nagusiaren zigorla dutenek, agi-
riak egiaztatzeko direla eta datuak datu-base nagusian agertzen direnekin bat datozela ziurtatzeko egiaztapen-kode segurua
eduki beharko dute. Egiaztapen hori Justizia Ministerioaren egoitza elektronikoaren bidez egingo da.

3. Tramitazio telematikoen euskarri diren aplikazioak eskura egongo dira Justizia Ministerioaren egoitza elektronikoaren
bidez, horretarako ezarritako berme eta betekizunekin.”

Erakundeen Erregistro Liburuari dagokionez, jarraian adieraziko den adierazpena 1.a) ataletik ezabatzeko proposamena egin da. Izan ere, ez zaigu beharrezkoa iruditzen eta datuak errepikatu egiten direla uste dugu, beste liburu batean jasoko direla kontuan hartuta:

“1.– Erregistro Liburuak hiru izango dira; erregistro-egiturako atal bakoitzari buruzko bana:

a) Erakundeen Erregistro Liburuak izena emandako erakundeei buruzko informazioa jasoko du, publikoak eta pribatuak bereizita, eta horien barruan irabazteko asmoa dutenak eta ez dutenak banatuko dira. ~~Erakunde bati dagokion izen-emate bakoitzean bere zerbitzuak eta zentroak jasoko dira, hurrenez hurreneko idazpenetan, halakorik badute...~~”

13/11

Azalpen hori Zerbitzu eta Zentroen Erregistro Liburuan azaltzen da. Eta Erakundeen Erregistro Liburuan isunak azaltzen ez diren bezala, Isunen Liburuan azaltzen direnez gero, ez dauka zentzurik zerbitzuak eta zentroak Erakundeen Erregistro Liburuan jasotzeak. Edo, bestela, idazpen guztiak jaso beharko lirateke liburu bakarrean, araudiarekin bat egiteko eta administrazio-ekonomia lortzeko.

10. artikulua. Erregistro-idazpenen motak

Artikulu honetan gizarte-zerbitzuen erakundeei eragiten dieten ebazpen judizialak jaso beharko liratekeela uste dugu, dela 3. atalean (oharrak), dela 5.enean (bazterreko oharrak), edota indargabetzei buruzko 4. atalean, hala dagokionean, Administrazio eta hirugarrenei publizitatea egiteko.

12. artikulua. Idazpenen egikaritza

Artikulu honen 1. atalean azpimarratuta agertzen den adierazpena gehitzea komeni dela uste dugu, *hartzailleek idazpenak jasotzen dituztela* bermatu ahal izateko:

“1.- Idazpenak idazmakinez edo prozedura informatikoen bidez egingo dira, eta, edonola ere, Erregistroa ezabaezina dela eta hartzailleek idazpenok jasotzen dituztela ziurtatu beharko da.

Era berean, 5. atalean, testua honela osatzeko proposatzen dugu:

"5.- Idazpenak bata bestearen atzean egingo dira eta guztiz idatzi ez diren lerroetako zuriuneak erabilgaitz geratuko dira, marra baten edo marratxo tartekatuen bidez".

Horrela, bitarteko informatikoak erabiltzen dituzten Erregistro jakin batzuetan sarritan erabiltzen den aukera hori eskainiko da.

16. artikulua. Interesdunak eskatuta izena ematea

Lehenengo eta behin, artikulua honen izenburua *"Interesdunak eskatuta izena emateko tramitazioa"* izen beharko litzatekeela uste dugu, egokiagoa iruditzen zaigu eta.

Bestetik, artikulua horretako 4. atalean, Administrazioak izen-ematea onartu edo ukatzeko ebazpena emateko duen epea hiru hilabetetik batera murriztea komeni dela uste dugu. Administrazio moderno eta eraginkor batek bere ebazpen-epeak murriztu behar ditu. Bestela, administrazio-eragiketa anakronikoak betirako bihurtzen dira.

Xedapen gehigarria

Herritarrei teknologia berriak erabiltzeko duten aukera errazte aldera, xedapen honen testua honela aldatzeko proposamena egin dugu:

"Gizarte-zerbitzuetako erregistroak digitalizatzeko beharrezko neurriak hartuko dira, administratuei sarbidea erraztuz, administrazio-prozeduretan bitarteko elektronikoa, informatikoa eta telematikoen erabilera arautzen duen araudian xedatutakoaren arabera".

Eranskina: A atala

"Legezko ordezkartzaren datuei" buruzko atalean, eta segurtasun juridikoa hobetzeko asmoz, izendapenaren datari eta agintaldi horren iraupenari buruzko informazioa eransteke proposatzen dugu.

IV. ONDORIOA

Euskadiko EGABen ustez egokia da Gizarte Zerbitzuetako Erregistroen Dekretu Proiektuaren gaineko tramitazioa, kontsulta-organo honek egin dituen oharrak kontuan hartuta.

Bilbon, 2011ko ekainaren 30ean

Batzordeburuaren OE
Juan María Otaegui Murua

Idazkari nagusia
Francisco José Huidobro Burgos



CES
EGAB

Consejo Económico
y Social Vasco

Euskadiko Ekonomia eta Gizarte
Arazoetarako Batzordea

©Argitalpena: Euskadiko Ekonomia eta Gizarte Arazoetarako Batzordea

Gran Vía 81, 7. solairua
48011 Bilbao. Bizkaia
www.cesvasco.es

Maketazioa: Cuatrobarras Comunicación

Inprenta: Imprenta Gestingraf

Lege Gordailua: BI-1978-2011